## 《普賢菩薩發願文》

天台 智者大師 撰1

稽首十方三世一切諸佛。願當證知某甲,諸佛所有一切波羅蜜行,我今然 當如彼修學。

唯願諸佛如來慈悲哀念,我願於菩提心得大固力,於不可思議諸佛法中得深信力,於多聞中得不忘力。

於往來生死中得無疲倦力,於諸眾生中得堅大悲力。於布施中得堅捨力, 於持戒中得不壞力,於忍辱中得堅受力,魔不能壞得智慧力<sup>,</sup>於深法中得信樂 力。

- 一者、願我於一切生處、一切法中,常得供養十方一切諸佛,盡未來際無 有休息。
  - 二者、願我受持如來甚深法海,即自明解不由佗悟,盡未來際無有休息。
- 三者、諸佛坐道場處,願我於中作攝法上首,請轉法輪,度脫眾生,盡未 來際無有休息。

四者、願我修行一切諸菩薩無邊廣大願,盡未來際無有休息。

五者、願我教化一切眾生<sup>,</sup>卵生、胎生、濕生、化生<sup>,</sup>悉皆令入無餘涅槃<sup>,</sup> 盡未來際無有休息。

六者、願我生諸佛剎,如對目前,盡未來際無有休息。

七者、願我嚴淨諸佛如來甚深剎海,盡未來際無有休息。

八者、願我與一切諸菩薩同行,集諸善根,盡未來際無有休息。

九者、願我所有身口意業,眾生見聞皆獲利益,如藥樹王無空過者,盡未 來際無有休息。

十者、願我於一切微塵道中成等正覺,轉大法輪,度脫眾生,盡未來際無 有休息。

佛子若能發此十大願者,百萬阿僧祗願門皆悉見發。

願以此廣大誓願,種種善根,迴向一切眾生,願皆永離三惡道苦,具足普 賢菩薩行願。

我又以此善根,迴向無上菩提,不求世間二乘果報。

我又以此善根,迴向真如法界海。真如無滅,無漏無為,不可破壞,願我 善根亦復如是。

如三世諸佛迴向,我亦如是迴向。

<sup>1《</sup>大藏會閱》:據説此文是在臺嶺——廣東南雄縣北——蘇陀峯,非際大德於古法藏中覓得云。

迴向已,歸命禮三寶。